



ZONA TORRIDA
IN AQUILONE.

SIVE

DIVUS
FRANCISCUS
SALESIUS,
GENEVENSIUM EPISCOPUS,
Ex Tertio Ordine S. FRANCISCI
DE PAULA.

In Thaumaturga AMORIS Ecstasi
Mundi Erigescentis SPIRITUS.

Pragæ in Ecclesia Salvatoris, in urbe Veteri,
apud RR. PP. Ordinis Minimorum

S. FRANCISCI
DE PAULA.

Coram Auditorio Academico, Die 29. Januarij.

Anno M. DCC. IX. Panegyrico celebratus.

à P JOANNE JOACHIMO VERNIER,
Societatis JESU Religioso.



Pragæ, typis Universitatis Carolo-Ferdinandæ in Collegio Societatis JESU
ad S. Clementem.

HONORI
ET
VENERATIONI
ILLUSTRISSIMI
DOMINI DOMINI
FRANCISCI
CAROLI

S. R. I. COMITIS
DE

PÖTTING,

Domini in Rabenstein, Swietla,
& Pawlikow &c. &c.

Sacrae Cæsareæ Majestatis

Actualis Camerarii,

HÆRETIARII BURGRAVII

Lientii in Tyroli,

DOMINI DOMINI
PATRONI VENERAN-
DISSIMI.





ILLUSTRISIME
DOMINE DOMINE
COMES



Gratulamur parvitati Nostra, dum magnitudinam Tuam accidimus; eò feliciori voto, quò proniorem in minimorum familiam, Te deveneramur Comes Illustrissime. Aram quandam in Te suspicimus, ad quam, benevolentiam Tuam provocati, dum eluctamur minimi; DIVUM SALESIUM in honoris Tui auctarium appendere meditamus; quò Illustrissimo Nominis Tui splendore, & tenuitati consulamus nostra, & Serenissimo gloria Tua meridie illustremur. Suspicit hunc in Te orbis Czechicus: dum vivum Majorum Tuorum sibi in Te gratulatur ceterum: Imò Majorem colit. Illis enim una gloria suffecit orbita, Tibi orbis non sufficit. Collegisti in Te unum, quod per singulos sparsum: insuper & coronasti. Gaudent etiamnum magni Majorum Tuorum Manes, se in laureata Magnitudine Tua perennare. In Te inquam: quem Illustrissima dederunt incunabula, non-
tan-

tantum ut sanguinis Majorum esses collectio, sed exemplum: Quod raro exhibes documento, dum laborum spectamus coronidem Te ipsum, coronam Majorum. Felices anima! quibus posterorum virtus, erigit laudum Collosos; qui sint, & felicitatis Patria Atlantes, & publicorum votorum Cynosura. Velificent ad has orbis desideria; & insulas fortunatas, apertus ad omnes affectus Tuus facit reperiri: quia maximam reputas fortunam, orbi Te posse prodesse. Admittis dignitatem, quia laborem: in labore, amas salutem subditorum; tanquam non laborum pramium, sed authoramentum invidta solertia fit. Unde mereri magis maxima, quam adipisci. Donas pulcherrima facta Patria, non plausui: quibus & orbis eruditur ad sequelam, & necessitates Tuorum sublevantur. Unde amant Te pupilli, ut pupillam; quos in cordis fers sinu. Amor diceris populi, cujus Pater es. Sicioris fortuna fontes, munificentia Tua coronas; & immortalem Nomi- ni Tuo paras lauream. Alii, vel à Martis sago, vel toga, gloria ver- dicant compendium; Tu ab utroque: & Sagatus à Majoribus Tuis, & togatus à consiliis. In quibus dum auspiciem, & coronam DEUM respi- cis, Major sis Majoribus: hoc solo retento Tibi pretio, ut Tuam magni- tudinem amittas coram Maximo. Fluit inde facinus hoc infanus, dum ibi gloria inchoas auspicia, ubi metam Alcides fixisset: Fatigasti as- siduo virtutum officio atatem totam; nè felicior, aut major esses, quam melior.

Hac pulcherrima virtutum decora, dum submississimo reverentia homagio suspicimus, DIVI SALESII ecclasticum Amorem pietati Tue flagrantissima dicamus. Affectui dedicamus. Suscipe candidissimo be- nivolentia Tua annutu, opus hoc multo quidem inferius meritis, non ta- men pietate; Aestima obsequium Minimorum, quos, cetera probando, Maximos non semel effecisti. Qui, magnitudinem suam, imò parvita- tem, Tuis dum mancipant obsequiis, aeternum de vinculis manent.

P. MAXIMILIANUS RUS Corrector,
 & Conventus Sac: Ord: Minimorum
 S. Francisci de Paula, Pragæ ad S.
 Salvatorem.



ORATIO.



Abulofum fuperftitiofæ Gentilitatis delirium, ef-
fecta Deorum eft genesis: nescio quô Græciæ
tripode malè excoacti Deaftri; quos feu adultera
Deorum Lucina profudit Græcia, feu indigestô
Latriæ magifteriô, dedecorofa metempsycho-
feos ferie, hinc mugientem in tauro Jovem, illinc
latrantem in canè Mercurium, indè mutientem

in hirco Pana, præpottero homagiô infamis Ægyptus adoravit.

Indignor Lybiæ, cæcutienti ad solem talpæ! quæ profligata ex
animi Pharfalia Numinis cognitione, & Lunæ poplites lunat luna-
tica, & Solis fideri, accidit fiderato latreutica. Suspexerunt coro-
nati orbis Enceladi, fatuum hoc Lybiæ commentum, & in trabalem
vesaniæ impeggerunt ramum, dum aut vilem truncorum plebem no-
bilitârunt in Deos; aut speciofa plumarum iride, regiâ velut investi-
turâ, inaugurârunt accipitrum rapacitatem; aut squammatos Ne-
ptuni Proceres, in sagatam Palladem armârunt in Axyrinchis cum
Babyloniis. Alii denique propudiofos abortientis naturæ partus,
monstrorum Cynocephalos delirâ apotheofi plasmârunt in Numina;
cum Hermopolitanis. Tandem umbratilem exofi Divinitatem,
aram, an haram? architectati sunt cum Atheniensibus (infames Dæ-
dali) ignoto DEO.

*Athen: erex:
aram: ignoto
DEO.*

Proh! execranda Numinum simulacra! Nominum stigmata! in
stygem, Erebique paludes damnandas Deorum umbras!

Procul hinc! procul este profani!

Non cælo Paulano; Gentili orbi, notus est tam vastus Deorum syl-
labus. Ardeat in vindices temeritatis cometas, sacratoris fax Hero-
strati, & indigestam commentitiæ Divinitatis scoriam ultore exci-
dii cinere castiget! Sacrilegum fanorum detumescat supercilium,
Ægyptus in busta fumet, rigescat in cadaver Deorum Pantheon: fu-
mosô Præficarum buxô lessum admurmurante. Cedant haræ, aris!

idola, tiaris! & augustô adoret homagiô Dulæ fasces infascinatricis
Circe Idololatricæ.

Et en: aræ novo efflorescunt thaumate in portenta. Stat aræ
in medio, Numinis, an hominis imago? hæreo: ita sibi similis, ita
dissimilis; nec Proteus, nec constans, sed omnia. Vertex tornatur
in obryzum, eburneam lactat frontem Galaxia, ciliorum arcus veni-
stant gratiæ, oculos accendunt in soles Tyndaridæ, nivium narcif-
fis pingunt Lythodendræ genarum areolas; pæstano labia murice
ceruffat Flora. Verbô: fronti, velut clavo præfidet togata cum Ma-
jestate sapientia, lacteô ciliorum velô religiosa decoratur humilitas,
Angelica in animata oculorum crystallo hospitat modestia, Virgi-
nea in genarum purpuriflo erubescit verecundia; ora castus liliorum
lacte candidat amor. Totus denique capite Intelligentia, facie An-
gelus, moribus Virgo; zelô Apostolus, amore Seraphinus.

Virgil.

Jovis omnia plena.

Spectemus Seraphinum in amore, amorem in Seraphino. Et
en: subito frons ardet in zonam, torridam diceres; pupillæ igne-
scunt in pyropos, genæ flammescunt in carbunculos, labia spirant
Cherubinos; pectus, ætna; cor, ignis; medullæ, cinis. Subjectam
iconi illustrat flamma epigraphen, exinanita inscribit humilitas: NI-

Ex Vita.

HIL. Hem me! quid sibi vult toties in novas reflua formas simula-
chri metamorphosis? cur ingenii Lucinam in novos cogit partus,
orationisque flumen, dubio haurit Euripo, & novis irretit laby-
rinthis imbecillum styli balbutiem? Pro Salesii dicturus causa, vestra
hodie conscendi rostra, Patres Religiosissimi! & dum sollicitâ animi
indagine meum per aras insequor Salesium, assequor grande Nihil.
Sed bene habet: non fatigabo per florida luxuriantis svadæ Elysia,
erudito sudore elogia stent stylum, cum de SALESIO grande etiam
dicam nihil. Imò parcite: imago nihili, grandis est imago SA-

1. Corint. 1. 9.

LESII. qui *omnibus omnia* futurus, factus nihil. Incineravit hunc
chymicus amor in nihilum, & sacrationem in Olorum choro ani-
mavit Phænicem: quo modulante, & thaumaturgum nihil abiit in
Salesium, & SALESIIUS vixit in Christo. Amoris hæc genea-
logia est; amantium corda, Castoris & Pollucis, alternâ morte in
uno vivere. Vivit SALESIIUS, sed vitâ alienâ. Vita Salesii,
Christi Spiritus. Hoc portentum: Spirat SALESIIUS amo-
rem, expirat Christus; amat Christus, & SALESIIUS ardet in
Christo; unum utique centrum: unus utique amor. Genuinum

in Christo Prototypo, Ectypon SALESII. Nè miremini; ce-
 staticus amor est: *negat amantes esse sui, sed amati.* Hæc thauma- 8. Dionysj
 turga amoris Ecstasis: quâ SALESIIUS fit amor. Et quia unum
 cum Christo, propè Christus. Hinc geminam nè quære imaginem;
 imago SALESII imago est Christi. Exinanivit se Christus, & ac-
 cepit formam SALESII. Annihilavit se SALESIIUS, & induit
 Christum. Explicaret in mappam purpuram, ostrum in colorem,
 purpurata Cardinalis eminentia, si Berullius foret Parrhasius; & in
 SALESIO, veram Christi effigiem ad vivum adumbraret. Ex Vita.
 Damno ad umbram stylum, dum solem testem appello Frogerium: qui to-
 ties Christum adoravit, quoties Salesium suspexit. Suspexerunt
 ex purpurata regni specula, Henrici coronata lilliorum Imperia, An-
 gelix Angeli Jacobi, Emmanueles Sabaudix, Clementes Italiæ; & in
 SALESIO, ectypam incorporati DEI faciem adorârunt. Huc
 decempedam: incorporatam in Christo SALESII metiamur magni-
 tudinem. Sed ecce! Gigantea magnitudo in nanum detumescit,
 Nanus iterum in grande nihil: *ego peccator nihil.* Apage! præccocis Ex Vita par-
 argumenti scrutinium: imò stylus in gloriæ acuaturophæû; quan- te 3. c. 6.
 do exhumata humilitas, amoris est exinanitio. Decrevit hic in ato-
 mum, ex atomo in punctum, ex puncto in sui nihilum. Itâ nem-
 pe: Innocentem fecit Amor peccatorem; quem hominem esse passus
 non est. Hoc paradoxum: amoris, non doloris audite exhomolo-
 gesum. Confitetur SALESIIUS: *ego peccator, nihil, homo non sum.* Ex Vita.
 Patere Divinissime SALESII! Tuque Religiosissima Minimorum Fa-
 milia! unica hodie vestra in Basilica liceat absolutio. Imò non eget
 homologeteriò publica confessio. Eminentia Baronii plenariam
 impertitur absolutionem: *SALESIIUM in Adamo vix peccasse.* Ex Vita par:
 habes! Divinissime SALESII: homo non es, quem amor sublimavit 3. cap. 7.
 in Seraphinum; & laureata ecstaticum inspiravit virtus amorem.
 Arsit in Te Minimorum maxima Charitas, & expugnata innocenti
 oculorum metropoli, laureatos suos erexit falces. Fatiscit jam
 grande Aquilonis molimen, & frigidum illud suum classicum: *refri-*
gescet: in charitatis animat epinicia, dum laureata amazon charitas
 icto cum gratia tædere SALESIIUM in Spiritum distillat. Matth. 24.
 Dicite amabò Chymici, quæ Spiritûs hujus essentia? Spiritum mun-
 di jurant omnia animantem; accepto assertum. Itâ est Patres Re-
 ligiosissimi! Ecstaticus SALESII amor, mundi in nivea scelerum ca-
 nitie frigescentis est Spiritus. De quo Amoris Spiritu, quòd si

& ego frigidè , densato in glaciem orationis flumine peroravero , parcite ! non dicam tamen sinè amore. Animabit emortuam oratoris dictionem SALESII amor ; & qui Christum loquebatur , etiam cùm taceret ; audiet amantem se , etiam tacentem. Modum nè lydiò tentetis ; dicam sinè modo , quia de amore , & legis , & modi nesciè. Ad modulos tamen concinna erit , si thaumaturgâ SALESII ornata charitate. A qua dum incomptæ orationis Liburnicæ suspiro Aplustria , vos Patres Religiosissimi ! gratiæ affundite oleum , quò faciliùs ; & benevolentiaë aspirate Favonium , quò feliciùs provehatur. Favete.

TUmuverunt fastu Paganæ arrogantiaë fasti , Gentilia Romanorum volumina , immatura parturientis naturæ portenta , donec seculorum tumultata cinere , vel edaci temporì , in opiparam cessissent offam , vel inquieto tinearum denti in trophæum. Ludit etiamnum , non diffiteor , ingeniosa illa rerum procreatrix natura , ut orbi sibi acciduo illudat. Et cujus sæpè numero ortum , Phosphori inalbavit bractea , illigataque fascijs prodigia addixit in lucinam , occasum tragico Hesperii funestat cometaë ; ut lucretur fascias , fasces perdit etiam porphyrogenitorum. Signavit , vaticidico sanè stigmatè , Seleucum , præcocis spei partum , jacta in crystallinum frontis mare anchora ; & vanam in anchora spem fixit Græciæ. Signavit lacertum , ensis fulmine Castrioti , gemelli magni Macedonis , quò tumescencia Lunæ Muselmannicæ cornua erat in deliquium acturus ; & trèpidare fecit Asiam. Solvit adhucdum in primo natantem balneo Zoroastrem in amænas cachinnorum Sirenes , & æternatura famulatricis fortunæ portendebat basia : At balneum vertit in naufragium , in Circen Sirenes dementavit : postquam in Zoroastre Magorum educavit primpilum. Faceffite fallentis naturæ prognostica : grandiora longè , aut discere , aut stupere docta in ortu SALESII : dum saniore phænomeno thaumaturgo præluxit Phosphoro ; & excussò naturæ jure , priùs vidit in prodigio SALESIIUM , attonita , quàm hominem putârît. Plebejum enimverò exofus horoscopus , ab amore in cunis sublimatus supra naturam ; dum nativitatìs propriæ ordinem antevertit , ut nimirum maculam maturiùs elueret originalem , & gratiam anticiparet baptismalem. Quâ paludatus : ubi alii vix homines , SALESIUS jam Christianus ; Jam tunc amoris filius , dum alii iræ.

*Ex vita par:
I. c. 10. Præ-
venit nativita-
tis tempus ,
mense septi-
mo.*

Lacta-

Lactavit SALESIIUM amor, & cum lacte melleus Innocentia Emmanuel, amoris bibit nectar. Unde Hyblam locutam fuisse SALESII infantiam, nè mirare: dum illum in oracula, ligatus in cunis? an in miraculorum orchæstra? solvit Amor. Obmutescunt amarò frontis nubilò Dodonæa, & Delphica rudi musitant murmure, dum orbis, arcano in aurium conclavi ponderat Salesiana. Prima vox, imò vocis oraculum: an SALESII? an amoris? problema esto: *DEUS me plurimum diligit.* Hæc veritas: *Crenx: parte 1. c. 3.* vix animatum jam Divinus Amor, cor Salesii erexit in trophæum. *Ex Vita: natus in Castello Salesio.* Jo! Salesium plaude Castellum! in amoris castrum effloruisti. Oppugnat SALESIIUM Divinus amor, ut prius dilectus, quam doctus diligere, hauriat artem amandi à Deo.

Invideo montanis Rhetia, thaumaturgum partum SALESIIUM, quem tulerunt. Feliciora Idalia tesquis! ardere poterant, & debent in Vesuvios, amoris succensa æstrò, sacrationem SALESII Vulcaniam perfertiscentes. Fovistis (gratulor felicitati vestra) laureati montium Gigantes, Gigantum montes, Alpium Principes, enascentem Divini amoris Ætnam SALESIIUM: Illustriori indè arfuri fulgore Nominis, etiam declivia vallium favistis animari præcipitia. Hoc paradoxum: quem maximum tulistis mundo maxima, duo hunc formârunt Minima. Nec aliter formari voluit, nec potuit à Majoribus, quam Minimis; ut foret Salesius.

Vos estis Minimi Maximi, Minimorum Familia Patres Religiosissimi. Junxit Vobis subinde Minimis, minimam SALESIIUS JESU Societatem, ut charitate ambæ Maximæ formaretis SALESIIUM: & quid tandem aliud, quam Ecstaticum amorem? Adstrinxit Vobis SALESIIUM Gratianopolis, ut ab illa essetis gratiosi Minimi, à Salesio Maximi, ab amore thaumaturgi, verbò: Paulani. At: efformavit & sibi in honoris auxesin, Vobis in gloria complementum, SALESIIUM Societas JESU Claromontana. *Ex Vita: fundet apud Patres Societatis.* Nec abs re: similis, simili: Quia utraque familia minima. Profusa futura Societas, & opiparo pastura affectu Paulanos, Nomen JESU, Societatis characteristicam, oleum effusum, affudit vobis Patres Religiosissimi in condimentum. Gustavit & hujus fructus orbis, dum nitior Pallas laureato cum Musarum Gynæceo suum in SALESIO suspiciebat Apollinem, Gymnas amabat Ganymedem, Societas ferebat Angelum incarnatum.

Ex Vita. Entheatum historiographi audiamus; testimonium : *omnia qua fecit, innocentem spirabant amorem.* Gratia Angelus, amoris vixit Spiritus; imò virtutem, fecit Angeli naturam : Quando *omnes Angelorum doctores* unus complexus est : Coronatum Henrici IV. Galliarum Regis est oraculum. Spectate ampliùs : non cæli, sed mundi Intelligentiam. Speculatur mundum, mundissimus ; dum ad Aristotelicam evehitur violam epomidatus Amor. Stagiriten audit Lutetij, & Lutetiæ in Salefio Stagiriten. Hoc discrimine : quòd illum sales Euripi fecerint insulsùm, hunc virtus sapientissimum ; postquam naturam cum orbe habuit discipulam. Felicior stadiodromus : cui non unum effloruit stadium, in laureatam Daphnidem, sed totius vitæ cursus Innocentiæ bravium factus, gratiæ candidato. Nec tamen sic lubricam mundi decurrit Peripatum, ut dosolâ Labyrinthi compede non implicaret SALESIUM, amoris Theseum. Suscepit Patavium Jurisperitum, & parem neminem : Paridis, clarissimi Camberii, est iudicium ; mox suspecturum amoris Consultum. Fit Padua, pedica : Meandri, Juris Collegia : Centaurus, Pellex. Heus Te SALESI ! hoc Veneris, non Juris corpus ! si cælum es ? fuge Venerem, Pudoris Hesperum : Nè lubrico excutias lapsu innocentiam, Cave : stat jam in casum paratâ scelerum Dalila : Oculos accendit in faces Helena, imò Lena : quibus innocentem fauciet Parida. Verba, pro Juris textibus, comit in lenocinia ; lenocinia dulcorat in Ambrosiam : Illis, ut Virginitatis infirmet integritatem ; hac, ut infascinet. Vocem in dulces frangit fufurros, quibus alliciat ; fallax sirenula ! Mox ridet, arridet, blanditur, jocatur Circe venefica. Quid ad hæc Salefius ? Sacratior Anteros : Amor est, Veneris non est abortus. Non eget Ulyse, Circes dormitore. Cantat Siren, Orpheum non incantat Salefium ; blanditur Helena, Theseum non movet SALESIUM. Ganyemedem luxuriantis vanitatis floribus dementent Floræ, non laureatos virtutis Gigantes ; quibus & lubricum, & solidum iter virtus gelavit in marmor. Stat incorruptus Areopagites ; utque de Venere castus triumphet Amor, densato in jaculum phlegmate, ridentem in oris Elyfio Venerem fixit, & blandientem transfixit. Imò quam bullâ prognatam nauscat Venerem, in Lenæ facie, mortuo gratiæ mari, sputo mergit : Atque itâ Sarcophagum nacta, ubi nata. Sed nec sat erat merfisse libidinem ; titione ardente, caminis affictam

Salefius Lenam sputo abigit teste Raynaud: in Hagiolog: Lugd:

svetam abigit Megæram, fugat, domat ignibus ignes. Alter
Thomas! Angelus à lilio, Aquinas à Lauro. Hanc dum nectit in
lauream, purpuratæ Theologorum Maldonati, & Sirmondi se *Vita parte 5.*
addicit sapientiæ; nè, qui par Angelo, impar sit Aquinati. U. *cap. 10.*
trumque comprehendit; Angelus Angelicum, SALESIIUS Aquina-
natem. Id mirum: duos in unum Angelos coaluisse: Intelli-
gentiam in Seraphinum, Seraphinum in Intelligentiam. No-
dum solvat Oedipus, uter eorum in uno major? non capit Ari-
steus Proteum; vos nè miremini SALESIIUM. Cordium, non
formarum campfor: Proteus non est. Semper idem: Idem Lu-
tetijis in epomide, Paduæ in galero, Sorbonæ in pallio; ubi-
que idem Salesius: ubique alius: ubique Amor. In viola Phi-
losophus, in bireto Juris-Consultus, in torque Theologus: ubi-
que SALESIIUS. Mentem laureatæ Palladi favit in uterum,
cor Amori in regiam. Ingeniosus amor: annuli Piscatoris unio!
Huic pretium additurus, in unum univit Palladem secum: & San-
ctissimum ex Cathedra Vaticiana audijt oraculum: *Eximie doctus,*
& *Sanctus est Salesius*: Doctrinâ eximius, amore sanctus: utroque *Ex Vna.*
thaumaturgus. Alios nana cancellat terræ portio, SALESIO
angusta fit Augusta Galliæ Sorbona; Vaticana sapientiæ gazo-
phylacia, paludata Paduæ Collegia, Clarissima Claromontii Gym-
nasia, coronata Academiæ Lycæa, Palladis Athenæa. Nec
mirum: dum Salesiani intellectus, orbis est compendium, & E-
pitome Amoris. Optaret amor, ut plures forent mundi; cupe-
ret & sapientia: ille, ut succenderet; hæc, ut illustraret. Tri-
umphate jam mysteriosæ orbis animæ! feliciores Minervæ! in lau-
reato capitis SALESIIANI capitolio, sacrationis Jovis, uni-
versæ litteraturæ panopliâ eruditæ. Amabile vestrum junxistis
fascibus, & facibus Amoris Imperium; coronato SALESIIUM
inaugurâstis honore. Bene habet: non indignor politico amoris
ingenio. Fæderabit sapientiæ coronis Principes adoreas, & palu-
datam gloriæ Eminentiam fascibus obligabit Sanctitas Vaticana.
Et en: Bar-Jonæ, filii columbæ, instructum alarum remigiô
pacificum volat decretum; Amorem SALESIIUM Romam evo-
cat. Eja! progredere Divinissime SALESII! scio quidem Te
in Minimorum cella, an cælo? celari, velut asylô; ut bractea-
tam honorum auroram in primo roseo suo ortu suffoces, & Au-
gustam purpurati Collegii Eminentiam elidas. Chamæleon non
es,

es, auræ popularis auceps. Sed incassum humili ambitu, umbrarum sipariò, Tuam obvelas Sanctitatem. Crytallino Te prodent ore garruli Pedemontii rivuli, prodent profundum remugientes, altaque annorum nive decrepitæ Sabaudix rupes, amori dulcem refundentes Echo. Prodent te Ispelæa, lucidis sanctitatis Tuæ radorum accensa fulgetris. Non fugis, ut fugias; ut capiaris,

Ex Vita: Ray- Amor. Cape consilium: progredere! prodigiò ad aram accitus
mand: in Ha- Mystes, prodigiò eris Præfulum Eminentix. Eat orbis in thea-
giol: Lugd: trum! Quirinalis Curia in Scenam, Amor induat Antagonistam;

Spectator sit cæli, terræque oculus. Huc liligeri astrorum Choralæ, mellisonum dulci epos Amori adornate! Huc innocentes amorum flammulæ, candicantes innocentix nitedulæ, stellei ocelluli! amorem illustate: SALESIUM adorate! Nec mora: revelatur siparium, amabile patet scenæ profcenium. Papæ! quid video? in talarem sagata defluit Epomis; epomis, plicatur in Rocchetum; Rocchetum, in mille albicantis sindonis jactatur fluctus; fluctus, nivefcunt in Albam. Doctoris annulus, fæcundatur in manipulum; torques defluit in stolam. Torquati fæces! galerus in Tiaram; Tiara in lunam supinatur. Iterum SALESIUS; an stylo, an ingenio indignus? Proteus! Iterum inquam: novum mysterium! in mysterio Gordius. Amor, nuper occultus, ecstasticus, nunc infulatus. Jam ad aras usque penetrat; & unctus, & sacer esse cupit, qui antè Sacerrimus. Consecratur in Episcopum: Vos dicite neo-unctum Christum.

Ex Vita Con- Præfulem veneror Sanctissimum, & Christum adoro in SALE-
secr: in Epif: SIO. Imparia sunt metiendo Gnomicorum pantometra, cui
à Gribaldo CHRISTUS decempeda. Elingves fiunt Tullii ad magnitudi-
Archi-Epif: nem SALESI. Oratorum umbra, Hipparchion sum, ubi
Viennensi. ipsa sui præco fit magnitudo; Orator, Amor; Svadâ ipsâ facundior perorat SALESIUS. Audite: Dum unctio Episcopa-

Ex Vita. lis capiti meo adhibebatur, cognovi me evehi ad eam dignitatem, ut
CHRISTUM in terris, tanquam in me spectabilem redderem. Quantus CHRISTUS; tanta ferè imago Christi SALESIUS! Quantus SALESIUS; tantus Amor! Apelles fuit; ad proprium modulum pinxit SALESIUM, & adumbravit Christum: se in utroque. Dilexit multum: Christi de Magdalena est encomium, amoris meritum: peccatorum remissio. Pœnitentis Amor peccata mergit propria, & gratiæ unionem, in lacrymarum piscatur

tur turbido. Amorem ab humilitate metire, etiam Gigantem, cui pedes decempeda. Sedebat secus pedes, gratiam, non in oculis, sed pedum vestigio inventura. At major SALESII amor: totum in se spectabilem reddit CHRISTUM, & se in Christo. Magdalenæ Amor, sacro ignium comitatu, propriorum depopulatur delictorum metropolim; SALESII; orbis universi: dum non habet propria, Innocentiæ Camillus, *semper Innocens.* Depascitur SALESIUM amor, & Salesius amore redanimavit orbem, tantus! attollite neo-unctum Christum: & in ecstático Salesiani amoris raptu feliciorum frigore emortui mundi, dabo anastasin. Spectate: Arctoo pravitatis hæreticæ glaciatus gelu universus penè algebat orbis; dixisses: in fidei deliquio glaciatur mare. Riget indè Sabaudia, friget Taurinum, torpescit Tononum, Religio lytrò dementata in impietatis haras corrumpitur; larvata simulatur pietas in hæresim, sinè capite Romano Acephala hydra, septicipiti progenie, in septicollis armatur excidium. Proh miserandum chaos! At! maeste animis! exitiosum animorum virus, orci toxicum, pestilens vitiorum carcinoma; adest, qui restinguat Æsculapius, SALESIUS. Adest, qui reviviscentem hydram, depilato in Calvino plectat Alcides; adest SALESIUS. Qui Bezam, infamem Hesperidum Hesperum, virulentum sopiat Draconem Jason; adest Salesius. qui quartam Averni furiam exarmet Lutherum Bellerophon, adest Salesius. Adest denique, qui putrescentem in scelera mephitæ, fædâque errorum uligine orbem resuscitet. (fax novi Promethei) Amor SALESII. Do hujus spectaculum: stat Gebennensis Antistes, imò armatus amor; Et iterum (cedo amori ludenti) nova Scena; Infula, in salutis armatur Galeam; Planeta, in fidei solidatur loricam; Pedum, acuitur in gladium; in missilem ignium Phaëtonem accenditur Philothea. Amoris hæc panoplia; Virtutis armatura; Zeli aphorismus. Tessera: minima, maxima Paulana Charitas; SALESII Amor, vaticinico ore spondet victoriæ lauream: *fortis ut mors dilectio.* Vixque galeatam hostium Pharaliâ ingreditur, & Scythicum Aquilonis frigus in amorosum gratiæ meridiem, amoris Ætnam incalescit. Assurgunt in obices depontana Alpium cacumina; transcendit. Rigida Apennini juga; transvolat. aut filius columbæ, aut filius

Boanerges : At in amore Salesius. Tange montes, & fumigabunt ; Inambulat hos Evangelizantium pede SALES IUS, & ad pedum Romanum, montium curvantur pedes, etiam coronatorum. Quorum montium fumus ; dum mordaci ferit oculorum crystal- lum dente, lacrymarum ros in fidei gelatur unionem. Hoc satis gloriosi : quòd Romæ cedant in triumphum, SALES IANO Amori in trophæum. Canit lessum sibi amorum Incendiarius, alijs epinicion :

Ovid. Fa-
sta: 6.

*Est DEUS in nobis, agitante calefcimus illo,
Spiritus hic sacra semina mentis habet.*

Spiritus, vitæ anima : tauri oculum, accendit cælum in stel- lam : Taurinis, Lucifer tenebras affudit ; has in diei animaturus prolem Phosphorus SALES IUS, igneum amoris insufflaviv Spi- ritum, ut fierent in animam viventem. Erexit flammeo chari- tatis ardore Allobrogis aras, ut Vestali flammæ, casto amori in Hecatomben cadent victimæ coronatæ. Vos ego hîc appello redanimata nuper gratiæ cadavera, Segufios, Burgundos, Sal- gos, Delphinates, Parisios, facerrimò hîc œstrò percitos, Pau- lanæ, an Salesianæ charitatis ? qui avitæ religionis sæcula uno in Salestj amore, Paulana charitate, revixisse credebatis.

Serenârunt (fides est Historiographi) mæstum Patriæ vultum, Curtii, Leonidæ, Decii, sed præpostero errore consule, imma- turo vitæ dispendio. Peperit Salesius, non modò Patriæ, sed orbi ; non cruoris, sed amoris profluviò ; salutem, vitæ melio- ris emolumento. Orbi inquam : Et in illo Raconiis, Bono- niis, & præterea millibus duobus supra septuaginta. Quantus populorum Oceanus ! quos Salesius ex epidemica Calvinii, Luth- erique lue, in cimmeriis hæreseos tenebris cæcutientes bubones, in Romanæ lucis Aquilas efformavit. Ad cuius lucis calorem, rigescencia pectorum marmora, animata Caucafi frustra (gemellus Moyfi, pastorale Pedum, Mosaicum crederes scipionem) a- moris admota face in ceram liquantur. Amorem armat timore, hoc prodigium in compendio : timetur amando, amatur timen- do. Est Salesius Amor Jacobi Angliæ, Emmanuelis Sabaudix, Henrici Galliæ, Clementis Italiæ ; sed : Est & timor caduci Calvinii, desultorii Lutheri, Bezæ hæreseos Goliathi ; Geben-

næ, imò Gehennæ Præsidis deponant. O! si suum etiamnum in Medusæ durata Marpesiam Gehenna sustineat Perseum! suum audiatur Orpheum Salesium! ope cujus cum laureata Euridice, ex Gehenna ad superas veræ fidei auras daretur redemptio! Quiescite jam, & vestræ, quem vivitis, vitæ florem, & sacrationi in rosam substernite Adonidi, & Thaumaturgæ SALESII Charitati in homagium, dedicate. Non turbabo sollicitum obsequii genium. Ad inanimata deflecto stylum. Non enim fat erat Salesiano amori, meliori vivos auxisse Anastasi: domesticum SALESII prodigium, patrare miracula.

Exhumata charitas! in ferream mortis legem intorquet stylum, quem natura adoratur accidua. Vix se amorem crederet, nisi mortem ipsam, sibi suppedaneam animaret. Thaumaturgus Archiater amor, deflue in putredinis massam (stabulantem vermium exercitum) corporum compage, litatasque Acheronti victimas, novâ vitæ aurorâ illustrat. Non cæcus, oculatior Argô, A-Raynaud: citat mor. Lippientes Tiresiarum pupillas in soles illustrat; Item ex Vita dissoluta in paralytin membra, in gigantem compaginatur vigo- mortuos re- rem. Itâ nempe Apostolorum æmula, Paulana in SALE- suscitatur &c. SIO Charitas, pari insignitur thumate, virtute pari. Nec fides placet, sinè Paulano charitatis oleo. Tanta! detumescunt inflati fluctuum Gigantes: venti & mare obediunt Ei; etiam pusilla, ut sinapi granum, montium transfert molimina. Damonia v. 27. ejicient; hæc charitatis professio: etiam exleges inferos, lege Marc. 16. velut lupato, induit, atque cicurat. Hæc Jurisdictio: æternæ v. 17. veritatis juramentum est: porta inferi non prævalebunt adversus eam. Matth. 16. Lingua ignea festinus Pentecostes est apparatus: Divini Paracliti v. 18. donum est. Lingua charitatis, Paulana est characteristica. Ascendit cælesti gloriæ Capitolium VERBUM, & igneo linguarum depluit cataclysmo. Ascendit charitate ad DEUM Salesius (Incarnati VERBI germana effigies) & charitas arsit in ignem, ignis in linguas, linguæ in DEUM Spiritum, Spiritus descendit ad Salesium.

Nova obumbratio sub Spiritu charitatis! Indè illa geminata incendia Salesii: parcius Domine! parcius! O! Salesi, assequor Creux: par. jam nivei illius Turturis ingenium, tuum non semel verticem 2. cap. 4. candicantem! Quid credam aliud? quam columbinæ Charitati

Tuæ Divinum illum Spiritum candidum adjicere calculum in suffragium. Scio : Seraphicis manibus, conclavis Tui secreto flamma illata astrolabia, Colossos igneos, quibus totus in Regionem cælestis ignis è terrestri sphæriterio attolli videbaris. Quid dicam aliud? quàm non modò linguis Te donatum igneis, sed incendiario charitatis igne cælitus delapso; quò rigentem Aquilonari frigore Univerſi Machinam animares. Par Apostolis! *linguis loquentur novis*: Apostolicæ Magnitudinis prærogativa est: Spiritus DEI, Spiritus linguarum, summa Magisterii. Tu ô! Divinissime SALESI! domesticâ loquens linguâ, locutus es omnium; dum orbem ad fidei amussim erudivisti. Quater supra milies Evangelicam rorâsti auroram, & quò penetrare non valebas charitatis linguâ, misisti Philotheam, cordis tui Seraphinum. Audivit: & suum adoravit Apostolum Rhetia, Sabaudia, Aquitania, Gallia, Italia, & in his Taurinum, Tononum, Camberrium, Anecium, Talorium, Dorbærum, Gexium, Antuates, Saluciæ, Gratianopolis, Avenio, Geneva, Lutetiæ, Lugdunum, Roma, adorâtque hodiedum, quò igneum amoris melos penetravit, orbis universus. Scripsit Seraphicam amandi methodum amor; & Cælum terris illaturus, arctavit illud in Philotheam; *Philothea cælum Angelicumque Spiritum sapit*. Gustavit, & factus est, coronatus Angelicæ Angelus, Rex Jacobus. Novum mysterium! Isaïæ revoco oraculum, olim complicabatur in librum volubilis illa cælorum machina, nunc Salesii Philothea, explicatur in cælum; tot sphæris, quot foliis; tot motibus, quot lineis; tot stellis, quot verbis illustrissimum. Ille in Ezechielis ore Hyblam induit; Philothea *dulcia super mel eloquia gemmat*. Si Mundus Basilio liber est è magna Antonii Bibliotheca? audax dixerò: Philothea Salesii cælum est. O! quàm alius foret etiamnum mundi stylus, vel uno foliò versò Philothææ! Fulmen est; si eloquentiæ spectes Periclem; flumen, si Tullium; lumen, si Demosthenem: Amoris quinta Essentia, si affectum. Adscripsit Philothææ, quod ei post DEUM debebat ter coronatum caput Alexander VII. Annis bis denis se à culpæ macula præservatum: præsentissimum contra vitia antidotum: è tripode Romano haustum oraculum est. *Bene scripsisti de me Thoma*: acclamantis CHRISTI est elogium. Tot Aquinatis Summam constare miraculis, quot

*Creux. par.
5. cap. 4.*

*Marci 16.
v. 17.*

*Bajeri. in Of-
fic. de S.
Sales.
scripsit Phi-
lothea.*

*Creux. p. 4.
cap. 14.*

*Vita par.
4. cap. 14.*

*Alexander
VII. in Epist.
ad Abb. S.
Anast.
Ex Vita.
S. Thom.*

penè

penè tantis : Vaticana echo est. Adoro æternum VERBUM, *in eadem.*
veritatis Encomiasten. Aquinatis deveneror sublimitatem, in sub-
limitate nil derogo subtilitati. Id unum assero : Philothea Sale-
sii, Divinus partus, compendium est Divinitatis. Sat dixi : dicen-
do compendium.

Vos AA. OO. ex hoc compendio Paulanæ charitatis, Sale-
siani amoris Ecstasim eruderate. *Conchylium est Salesius, quod Divi-*
nitatis gemmam continet. Alexandri Vindocini Magni Franciæ Prio- *Creux. in*
ris, Equitis Melitenensis effatum est. Cor, conchylium ; Amor, Sale- *Pira.*
sius ; gemma est Divinitas. Utrumque Vestrum Patres Religio-
sissimi ! conchylium Vestrum ; vos Corculum Eugenio IV. Ve-
stra gemma, Vos Thesaurus Paulo IV. Cor Antonii una emol-
livit gemma Cleopatrarum ; Cor Salezii, gemmam conclusit Divi-
nitatis. Iterum utrumque vestrum : cor, Amoris ; cordis, cæ-
lum est capitolium ; Sacerrima familia vestra cælum est Leoni X.
Vos pupilla Innocentio VIII. oculi sunt in amore duces, pupil-
la fax ; centrum Salesius. Vos amplexus Alexandro VI. ample-
xus sunt amoris retia ; charitas, hamus ; præda, Salesius. Vos
osculum Julio II. osculum, amoris est característica ; charitatis
typus, os osculi Salesius. Vos Delicium Gregorio XV. voluptas
Paulo V. Delicium in voluptate, voluptas in amore ; amor est
Salesius. Vos denique amor estis Clementi VIII. & iterum A-
moris Amor, vester est Salesius. Finxit Antiquitas Pana Arca-
dium Deum, superatum ab amore ; verius Salezii triumphat de Deo
Amor.

Ex Bulla
Minimorum.

Parcite cælestes Cynosuræ : unum ausim : Ipsum DEUM
alicubi exulem Salesius revocavit. Inquietus Ægypti amor, tu-
lit epigraphen ; *dones potitus amore.* At Salesius jam potitus a-
more quiescit. Exordio vitæ, correspondet Epilogus. Nascenti
vox prima : *DEUS* ; expiranti ultima : *JESUS* : Utraque amoris. *Creux. p. 5.*
Elogium, ipse sibi concinnat Amor Salesius : *aut amore, aut e-* *cap. 10.*
mori ; mori, & amare. Adhuc post fata ecstático amoris vivit *Vite p. 5.*
Spiritus in Minimorum Paulana Charitate. Erat Charitas Fran- *cap. 10.*
cisici de Paula Magni Minimorum Patriarchæ anima ; erat & Sale-
sii. Dixistes bis natum esse unum, & uno extinctos fato binos.
Utriusque vita fuit unica charitatis unio : amoris Ecstasis. Nec
poterant die obire aliâ, quam Innocentium : * ambo Innocentes. * *8. Franc.*

de Paula mē-
riur die Pa-
rasceves S.
Salesius die
SS. Innocent.
Ex Vita.
S. August.
traff. 7. in
c. 2. Joqn.

Impar est orbis dimetiendæ Salesii magnitudini. Cujus Amoris
circumferentia fuit infinitum, terminus æternitas; orbis nun-
quam vidit suum. Dimensus est Bellagius Episcopus; & parum
dixit: dum *parem* orbi pronunciauit. Metitur Aurelius, peritifi-
sissimus Amoris Divini Geometra; Audite gnomen ad mensu-
ram: *Terram diligis? terra eris; DEUM diligis? quid dicam?*
DEUS eris. Vos Patres Religiosissimi, cæterique A A. O O.
facto ad hominem argumentò, si lubet, formate conse-
quentiam. Augustinus dixit;
ego non

D I X I.

